



МОНГОЛ УЛС  
ГОВЬ-АЛТАЙ АЙМГИЙН  
ЗАСАГ ДАРГЫН  
ЗАХИРАМЖ

2020 оны 07 сарын 16 өдөр

Дугаар A/417

Алтай хот

Г Хязгаарлалтын дэглэмд өөрчлөлт  
оруулах тухай

Монгол Улсын Засаг захиргаа, нутаг дэвсгэрийн нэгж түүний удирдлагын тухай хуулийн 29 дүгээр зүйлийн 29.1.5-ын "в" дэх заалт, 29.2 дахь хэсэг, 32 дугаар зүйлийн 32.7 дахь хэсэг, Гамшигаас хамгаалах тухай хуулийн 4 дүгээр зүйлийн 4.1.22, 4.1.23 дахь заалт, 32 дугаар зүйлийн 32.1.1, 32.1.3 дахь заалт, Эрүүл мэндийн тухай хуулийн 11 дүгээр зүйлийн 11.1.4 дэх заалт, Мал, амьтны эрүүл мэндийн тухай хуулийн 15 дугаар зүйлийн 15.5 дахь хэсэг, Засгийн газрын 2018 оны 266 дугаар тогтоол, Эрүүл мэндийн сайдын 2017 оны A/160 дугаар тушаал, аймгийн Онцгой комиссын 2020 оны 17 дугаар хурлын шийдвэрийг тус тус үндэслэн ЗАХИРАМЖЛАХ нь:

1. Тус аймгийн Төгрөг сумын "Төгрөгийн эх" багийн нутаг дэвсгэрт тарваган тахлын үжил хэлбэрийн хүний өвчлөлийн тохиолдол батлагдсан тул Төгрөг сумын нутаг дэвсгэрийг бүхэлд нь, Цээл сум зөвхөн Дэрстэй багийн Төгрөг сумсаас орох хэсэгт хэсэгчлэн хорио цээрийн дэглэм тогтоож, эмнэлгийн яаралтай тусламж авахаас бусад тохиолдолд хүн, тээврийн хэрэгслийн шилжилт хөдөлгөөнийг 2020 оны 07 дугаар сарын 18-ны өдрийн 22 цаг 30 минут хүртэл хориглосугай.

2. Батлагдсан тохиолдлын нэг, хоёрдугаар зэргийн хавьтлыг бүрэн хяналтдаа авсан тул Шарга, Алтай, Бугат сумыг бүхэлд нь, Цээл сумыг хэсэгчлэн 2020 оны 7 дугаар сарын 16-ны өдрийн 12:00 цагаас хорио цээрийн дэглэмийг цуцалсугай.

3. Монгол Алтайн салбар уулсаар хойноосоо урагшаа чиглэлтэй тарваган тахлын байгалийн голомт идэвхжиж Тонхил, Дарив, Бугат, Төгрөг, Цээл, Халиун, Бигэр, Цогт, Эрдэнэ, Чандмань сумдад хүний өвчлөлийн эрсдэл өндөр байгаа тул Байгаль орчин, аялал жуулчлалын сайдын "Тарвагыг ахуйн болон үйлдвэрлэлийн зориулалтаар агнахыг түр хугацаагаар хориглох тухай" 2017 оны A/278 дугаар тушаалын хэрэгжилтийг хангаж, тарваган тахлаас сэргийлэх сурталчилгаа хийх, зорилтот бүлгийн иргэдийг вакцинд хамруулах, холбогдох байгууллага, албан тушаалтантай хамтран "Хөргөгч", "Хавх", "Буу" зэрэг аян зохион байгуулж хэрэгжүүлсэн арга хэмжээг аймгийн Онцгой комисст 14 хоног тутам мэдээлж ажиллахыг сумын Засаг дарга нарт үүрэг болгосугай.

4. Захирамжийн хэрэгжилтэд хяналт тавьж ажиллахыг Засаг даргын орлогч (Я.Эрхэмбаяр), Цагдаагийн газар (Д.Болдсайхан), Байгаль орчин аялал жуулчлалын газар (Д.Батмагнай), Мэргэжлийн хяналтын газар (Б.Түмэнбаатар) тус тус даалгасугай.

5. Энэхүү захирамж гарсантай холбогдуулан аймгийн Засаг даргын 2020 оны A/415 дугаар захирамжийг хүчингүй болсонд тооцсугай.

ОРЛОГЧ

Ж.ГАНБАТ

C:/My documents/ZAHNR-3A-4 doc

0201001003